

permaneant. In quibus hec propriis duximus exprimenda vocabulis, fundum videlicet in quo ipsum monasterium constructum est cum omnibus pertinentiis suis, locum qui dicitur Vetustum Parisius, Rumeimunt, Mittelwilre, Vorst, Mouchenheim, Arzenheim, Scheferewelt, Leheim, Rinvelden, Ruwacho, Phafenheim, Egensheim, Tanbach, Sigolsheim, Chonsheim. Sane laborum vestrorum quos propriis manibus aut sumptibus colitis, sive de nutrimentis vestrorum animalium, decimas a vobis nullus presumat exigere. Preterea liceat vobis clericos vel laicos e seculo fugientes liberos et absolutos ad conversionem recipere et eos sine contradictione aliqua retinere. Prohibemus insuper ut nulli fratrum vestrorum post factam in eodem loco professionem aliqua levitate sine prioris sui licentia fas sit ab eodem loco discedere; discedentem vero absque communium litterarum cautione nullus audeat retinere. Paci quoque et tranquillitati vestre paterna sollicitudine providere volentes auctoritate apostolica prohibemus, ut infra clausuram locorum seu grangiarumstrarum nullus violentiam seu rapinam seu furtum committere aut ignem apponere seu hominem capere vel interficere audeat. Sancimus preterea ut si episcopus in cuius parrochia domus vestra fundata est, tertio cum humilitate et devotione, sicut convenit, requisitus substitutos abbates benedicere forte noluerit, eisdem abbatibus liceat novicios proprios benedicere et alia que ad illud officium pertinent exercere, donec ipse duritiam suam recogitet et benedicendos abbates benedicere non recuset. Decernimus ergo ut nulli omnino homini liceat prefatum monasterium temere perturbare aut eius possessiones auferre vel ablatas retinere, minuere seu quibuslibet vexationibus fatigare, sed omnia integra conserventur eorum pro quorum gubernatione ac sustentatione concessa sunt usibus omnimodis profutura, salva sedis apostolice auctoritate. Si qua igitur in futurum ecclesiastica secularisve persona hanc nostre constitutionis paginam sciens contra eam temere venire temptaverit, secundo tertiove commonita nisi reatum suum digna satisfactione correxerit, potestatis honorisque sui dignitate careat, reumque se divino iudicio existere de perpetrata iniquitate cognoscat, et a sacratissimo corpore ac sanguine dei et domini redemptoris nostri Jesu Christi aliena fiat atque in extremo examine districtae ultioni subiaceat. Cunctis autem eidem loco sua iura servantibus sit pax domini nostri Jesu Christi, quatinus et hic fructum bone actionis percipiant et apud districtum iudicem premia eterne pacis inveniant. Amen amen amen.

(Circulus pontificalis mit der Sentenz ‘† Vias tuas domine demonstra michi’ und ‘Alexander papa III.’; Monogramm für Bene valete).

Ego Alexander catholice ecclesie episcopus ss.